

Pronađen mrtav vojnik OSBiH na stražarskom mjestu

04/03/2009 12:55 by BanjaLukaSrcu

Nedavno Bajrić (38) iz Ostružnice kod Bosanske Krupe, pripadnik brigade Vazdušnih oružanih snaga BiH, ubio se jučer ujutro na stražarskom mjestu na banjalučkom aerodromu Mahovljani.

Beživotno tijelo Bajrića, koji je imao 38 godina, pronađeno je u stražarskoj kućici oko 7.30. Bajrić je iza sebe ostavio troje djece. "Nezavisnim" je jučer potvrđeno da je Bajrić pucao u sebe iz automatske puške. Tačniji motivi samoubistva još nisu poznati, ali se spekuliše da je Bajrić digao ruku na sebe zbog teške materijalne situacije. Igor Crnadak, zamjenik ministra odbrane BiH, potvrdio je jučer tragičnu smrt Bajrića i dodao da za sada nema puno informacija o tome. "Riječ je o drugom takvom slučaju od kako su formirane Oružane snage BiH. Mogu da kažem da sve što sam do sada dobio od izvještaja s terena, ukazuje na to da se radi o samoubistvu", rekao je Crnadak. Prema njegovim riječima, konačno riječ o ovom slučaju će dati nadležno tužilaštvo, koje vodi istragu. Dežurni tužilac banjalučkog Okružnog tužilaštva navela je da će danas biti saopštene detaljnije informacije o smrti Bajrića, te o tome u kojoj se nadležnosti nalazi slučaj samoubistva pripadnika Oružanih snaga BiH. Bajrićevo samoubistvo šokiralo je njegove radne kolege na banjalučkom aerodromu. Kako kažu, niko od njih nije primijetio ništa neobično u Bajrićevom ponašanju. Bajrića su kolege opisale kao sasvim normalnu osobu i da nisu ni znali da on ima neke teške probleme. "Nezavisne" saznaju da je Bajrić jučer trebao da završi sa sedmodnevnom stražarskom smjenom. Međutim, posljednjeg dana stražarenja, Bajrić je sebi oduzeo život, a u kasarnu su već nakon nekoliko minuta ispunili pripadnici vojne i civilne policije, kao i banjalučki tužilac, koji su izvršili uviđaj. Autor: Nikola Morača Izvor vijesti: Nezavisne